

疆
邦
華
夏

鶴林詞目錄

沁園春

摸魚兒

沁園春

滿江紅二

水龍吟

鵲橋仙

清平樂

賀新郎

漁家傲

八聲甘州

青玉案

謁金門二

柳梢青

摸魚兒

水龍吟

魚游春水

祝英臺

千秋歲

上西平

沁園春

相見

滿江紅

卜算子

滿江紅

洞仙歌

上西平

賀新郎

青玉案

滿江紅
二

八聲甘州

鶴林詞

潼川 吳 泳 叔永

沁園春生日自述

鷓鴣鳴兮卉木萋止維暮之春笑憨翁漸老年加三豆
獸郎多事詩記三星六十有三高吟勇退只有堯夫范
景仁從今去且亭前放鶴溪上垂綸交親散落如雲
僅留得尊前康健身有一編書傳一囊詩稿一枰棋譜
一卷茶經紅杏尙書碧桃學士看了虛名都賺人成何
事獨青山有趣白髮無情

摸魚兒生日

甚一般化工模子鑄成一箇拙底生來不向春頭上卻

踏暮春婪尾。鷦省記。早冉冉花陰。瀾瀾循除水。雖然恁地。但笑詠春風閒。推鳴瑟。別自有真意。從前看三十七年。都未醉生聲利場裏。浮雲破處。涵月喚得自家醒。起別料理。那玉燕石麟。不當真符瑞。徹頭地位也。須是長年聞些好語。作箇標月指。

沁園春生日和蓬萊仙降詞

春事爛斑。桐花爛漫。不堪鳳棲歎。交枰世道。容容是福。危航宦海。了了成癡。邵子豪情。樂天狂態。六十六年纔覺非。邵堯夫有六十六歲吟。樂天有六十六歲詩。溪山畔。要看承風月。舍我其誰。文章高下。隨時料織錦。應須用錦機。愧老無健筆。高凌月脇。病無佳句。下解人頤。君昔東坡。我今韓愈。

仙自云某卽紫仙
還以韓愈相戲

造化一鑑如小兒都休管看龜翻荷

露燕落芹泥

滿江紅洪都生日不張樂自述

手摘桐花悵還是春風婪尾按錦瑟一絃一柱又添一
歲紫馬西來疑是夢朱衣雙引渾如醉較香山七十欠
三年吾衰矣紅袖卻青尊止檀板佳瓊杯廢淡香凝
一室自觀生意事業不堪霜滿鏡文章底用花如綺笑
江濱游女尙高歌滕王記樂天六十七歲詩云共把十
千沽一斗相看七十欠三年
又嘉定甲申之秋七月良夜夢歸家山過鶴林之下見
老鶴翩躚從西南來方瞳而朱頂玉立而長身其色
內白其氣孔神殆類有道者旣寤作而曰豈絜庵老

仙誕日之祥耶遂書此夢演成一闕壽范潼川

夢繞家山曾訪問鶴林遺迹見老鶴翩躚飛下方瞳如
漆蕙帳香消形色靜玉笙吹徹丰神逸夢醒來忽記鶴
歸時翁生日南陌杖東山屐紅樓酒青霄笛料中梁
何似涪江今夕君不見洛陽耆英會花前雅放詩閒敵
獨北都留守未歸來七十一

水龍吟壽李長孺

清江社雨初晴秋香吹徹高堂曉天然帶得酒星風骨
詩囊才調沔水春深屏山月淡吟鞭俱到算一生繞徧
瑤階玉樹如君樣人閒少未放鶴歸華表伴仙翁依
然天杪知他費幾雁邊紅粒馬邊青草待得清和綵衣

花綬哄堂一笑且和平心事等閒博箇千秋不老

鵲橋仙壽崔菊坡

二童一馬素琴獨鶴長與仙翁爲伴自從分付益州來
便蔚有隆中人望邊烽白羽軍符赤籍弄得不成模
樣願公福德厚如山爲扶起坤陞一半

清平樂壽吳毅夫

梅霖未歇直透萑華節荔子纔丹梔子白擡貼誕彌嘉
月我冠蟬尾脩脩整衣鶴骨飄飄聞道彩雲深處新
添弄玉吹簫

賀新郎宣城壽季永弟

碧嶂清江路近重陽不寒不暖不風不雨杜宇花殘銀

杏過猶有秋英未吐但日對南山延佇碧落仙人騎赤
鯉渺風煙不上瞿塘去來伴我宛陵住西風畫角高
堂暮炙銀燈疏簾影裏笑呼兒女爺作嘉興新太守因
拜鶚書天府況哥共白頭相聚天分從來鍾至樂更誰
思野鴨鴛鴦語提大斗酌寒露

漁家傲壽季武博

翠隱紅藏春尙薄百花頭上梅先覺清曉寒城聞畫角
雲一握鴉翻詔墨天邊落碧眼棱棱言謬諫書猶
自留黃閣世事翻騰誰認錯休話著綠尊且舉鸕鷀杓
入聲甘州壽魏鶴山

又一番瀘水出牂牁江聲洶鳴鼉正南人爭望轉移虎

節彈壓鯨波未見元戎葆民氣已沖和不待禁中選
李牧廉頗卻顧邊陲以北似乘航共濟亡楫中河縱
纜頭襦尾其柰不牢何□明公一襟忠憤想誓江無日
不酣歌當津者豈應袖手長宴江沱

青玉案壽季永弟

杏花時候恩恩別又欲迫黃花節過了三年經八月驪
駒聲裏青鴻頭頭畔幾見刀頭折諸生立盡門前雪半
傷重翻爲渠說且莫從頭烹瓠葉已呼童稚多藏酒秫
共醉陶彭澤

謁金門宣城鹿鳴宴

將進酒吹起黃鐘清調手按玉笙寒尙峭隴梅春已透

藍染溪光綠織花
簇馬蹄紅鬪儘使宛陵人說道狀
元今歲又

又温州鹿鳴宴

金榜揭都是鹿鳴仙
客手按玉笙寒尚怯倚梅歌一闕
柳拂御街明月鶯撲上林殘雪前
歲杏花元一色馬蹄歸路滑

柳梢青孫園賞牡丹

元九不回胡三不問花
說與誰賴得東皇調停春住句
簪花飛庭前密打紅圍想孫子
兵來出奇似恁丰神
誰人剛道色比明妃
摸魚兒鄆縣宴同官

倚南牆幾回凝佇綠筠冉冉如故帝城景色緣何事一
半花枝風雨休聽取這氣象精神則要人來做當留客
處且遇酒高歌逢場戲劇莫作皺眉事那箇是紫佩
飛霞仙侶駿駿雲步如許清閒笑我如鷗鷺不肯對松
覓句萍散聚又明月還尋錦里煙霞路浮名自誤待好
好歸來攜筒載酒同訪子雲去

水龍吟

六月宴雙溪

修篁翠葆人家分明水鑑光中住就中得要危亭瞰綠
小橋當路一楊桃笙半窗竹簾清涼如許縱武陵佳麗
若耶深窈那得似雙溪趣一夜檐花落枕想魚天漲
痕新露多君喚我掃花坐晚解衣逃暑膾切銀絲酒招

王友曲歌金縷願張郎長與蓮花相似朝朝暮暮

魚游春水神泉春日賦

東里韶光早百舌枝頭啼碎了溪梅開盡池水綠波還
皺種柳先生覺意闌看花君子非年少心似淡雲夢隨
芳草滿地松花不掃鎮日春愁縈懷抱誰能擊筑長
歌吹笳清嘯寄聲玉關行人道未報君恩難便老雞塞
雨寒戍樓煙渺

祝英臺春日感懷

小池塘閒院落薄薄見山影楊柳風來吹徹醉魂醒有
時低按秦箏高歌水調落花外紛紛人境猛深省但
有竹屋三間蓮田二頃便可休官日對漏壺永假饒是

紅杏尙書碧桃學士買不得朱顏芳景

千秋歲壽友人

松舟桂楫茗雪溪頭別秋後雨春前雪書憑湖雁寄手
把江籬折人未老相看元似來時節芳草鳴鷓鴣野
菜飛黃蝶時易去愁難說析波浮玉醴換火繙銀葉拚
醉也馬蹄歸蹋梨花月

上西平雪詞

似斜斜纔整整又霏霏夜分裏窗戶先知嫌春未透故
穿庭戶作花飛起來尋訪剡溪人半壓橋低兔園冊
漁江畫蘭房曲竹北詩怎模得似當時天寒墮指問誰
能解白登圍也須憑酒遣挈擔擊亂鵝池

沁園春洪都病中聞計院章成父讀示劉潛夫往歲辭

建寧初命之詞而壯之因和一首寄呈

誇說洪都西勝王閣北豫章臺對雨簾半捲江橫如舊
溝亭敲壓梯上無媒但有江山更無豪傑拔腳風塵外
一杯題千墨須杜陵老手太白天才力能筆走風雷
人道是閩鄉老萬回把崇天普地層胸盪出橫今豎古
信手拈來使翰墨場著伏波老上馬猶堪矍鑠哉今耄
矣獨尊鱸在夢泉石縈懷

滿江紅

伶俐聰明都不似阿奴碌碌漸欲買青山終隱白雲同
宿半醉儘教烏憤墮熟眠休管屏風觸算人生能有幾

時閒金鳥速 粗粗飯天倉粟濁酒天家祿更釣鮮
采美有何不足君不見當年金谷事綠珠弄笛椒塗屋
到而今富貴一場空終非福

卜算子和史子威瑞梅

漠漠雨其濛濛江之永凍壓溪橋不見花安得杯中
影 明水未登彝飾玉先浮鼎寄語清居山上翁驛使
催歸近

滿江紅倉江分韻送晏鈴幹詞

元帥籌邊誰肯辦向前一著大丞相孫兒挺偉素嫺兵
略楊柳依依煙在眼檀車啾啾春浮腳更何妨二十五
長亭橫冰槩 登劒棧懷關洛機易去愁難割豈而今

全是從前都錯處走未知眞局面默窮漸近空籬落早
經營勲業復歸來江頭酌

洞仙歌惜春和李元膺

翠柔香嫩乍春風庭院換卻幽人讀書眠淡鴉黃嫋嫋
玉破梢頭鶯未轉綠皺池波尙淺王孫纔別後長負
芳時碧草萋萋繡裯軟海棠桃花雨紅溼青衫春心蕩
不省花飛減半待持酒高堂勸東皇且愛惜芳菲留春
借煖

上西平送陳舍人

跨征鞍橫戰槊上襄州便匹馬蹴蹋高秋芙蓉未折笛
聲吹起塞雲愁男兒若欲樹功名須向前頭鳳雛寒